



史拾遺聞

竹書紀年

黃帝軒轅氏

帝摯少昊氏

帝顓頊高陽氏

帝嚳高辛氏

帝堯陶唐氏

帝舜有虞氏

帝禹夏后氏

帝啓

帝太康

帝仲康

帝相

帝少康

帝杼

帝芬

帝芒

帝泄

帝不降

帝扁

帝厘

帝孔甲

帝昊

帝發

帝癸

殷商成湯

外丙

仲壬

太甲

沃丁

小庚

小甲

雍己

太戊

仲丁

外壬

河亶甲

祖乙

祖辛

開甲

祖丁

南庚

陽甲

盤庚

小辛

小乙

史記卷之六

武丁

祖庚

祖甲

馮辛

庚丁

武乙

武丁

帝乙

帝辛

卷下

周武王

成王

康王

昭王

穆王

共王

懿王

孝王

夷王

厲王

宣王

幽王

平王

桓王

釐王

惠王

襄王

頃王

匡王

定王

簡王

靈王

景王

敬王

元王

貞定王

考王

威烈王

安王

烈王

顯王

慎靚王

隱王

竹書紀年目

終

史記遺聞 竹書紀年

梁 沈 約 註 明

吳弘基 閱

郎 渠 較

黃帝軒轅氏

母曰附寶見大電繞北斗樞星光照郊野感而孕
二十五月而生帝於壽丘弱而能言龍顏有聖德
幼百神朝而使之應龍攻蚩尤戰虎豹熊羆四獸
之以女魃止淫雨天下既定聖德光被羣瑞畢

按魃旱神
能止淫雨

史記卷一百一十五
蘇秦有屈軼之草生於庭。佞人入朝。則草指之。是以佞人不敢進。

元年帝即位。居有熊。初制冕服。

二十年景雲見。以雲紀官。

有景雲之瑞。赤方氣與青方氣相連。赤方中有兩星。青方中有一星。凡三星皆黃色。以天清明時見於攝提。名曰景星。帝黃服齋於中宮。坐於玄扈。洛水之上有鳳凰集。不食生蟲。不履生草。或止帝之

東園或巢於阿閣。或鳴於庭。其雄自歌。其雌自舞。
麒麟在園。神鳥來儀。有大螭如羊。大螭如虹。帝以
土氣勝。遂以土德王。

五十年秋七月庚申。鳳鳥至。帝祭於洛水。

庚申天霧三日。三夜晝。帝問天老。天老力牧。容成曰。
於公何如。天老曰。臣聞之。國安其主好文。則鳳凰
居之。國亂其主好武。則鳳凰去之。今鳳凰翔於東
郊而樂之。其鳴音中夷。則與天相副。以是觀之。天

有嚴教以賜帝。勿祀也。召史卜之。龜焦。史曰：臣不能占也。其問之聖人。帝曰：已問天。老力牧容成矣。史北面再拜曰：龜不違聖智。故焦。霧既降，游於洛水之上，見大魚，殺五牲以醢之。天乃甚雨七日。七夜，魚流於海，得圖書焉。龍圖出河，龜書出洛。赤文篆字，以授軒轅，接萬神於明庭。今塞門谷口是也。

五十九年，貫胸氏來賓。

長股氏來賓。

七十七年昌意降居若水產帝乾荒

一百年地裂帝陟

帝王之崩皆曰陟書稱新陟王謂新崩也帝以土德王應地裂而陟羣臣有左徹者感恩帝德取衣冠几杖而廟饗之諸侯大夫歲時朝焉

帝摯少昊氏

約按帝摯少昊氏母曰女節見星如虹下流華渚既而夢接意感生少昊登帝位有鳳凰之瑞或曰

名清不居帝位帥鳥師居西方以鳥紀官

帝顓頊高陽氏

母曰女樞見瑤光之星貫月如虹感已於幽房之宮生顓頊於若水首戴干戈有聖德生十年而佐少昊氏二十而登帝位

元年帝即位居濮

十三年初作曆象

二十一年作承雲之樂

三十年帝產伯鯨居天穆之陽

七十八年帝陟術器作亂辛侯滅之

帝嘗高辛氏

生而駢茲有聖德初封辛侯代高陽氏王天下使
鼓人拊鞀鼓擊鍾磬鳳凰鼓翼而舞

元年帝即位居亳

十六年帝使重帥師滅有鄩

四十五年帝錫唐侯命

六十三年帝陟

帝子摯立九年而廢

帝堯陶唐氏

母曰慶都生於斗維之野常有黃雲覆其上及長
觀於三河常有龍隨之一旦龍負圖而至其文要
曰亦受天祐眉八彩鬚髮長七尺二寸面銳上豐
下足履翼宿既而陰風四合赤龍感之孕十四月
而生堯於丹陵其狀如圖及長身長十尺有聖德

封於唐夢攀天而上高辛氏哀天下歸之

元年丙子帝即位居冀命羲和曆象

五年初巡狩四岳

七年有麟

十二年初治兵

十六年渠搜氏來賓

十九年命共工治河

二十九年春焦僈氏來朝貢浞羽

四十二年景星見於翼

五十年帝遊於首山乘素車玄駒

五十三年帝祭於洛

五十八年帝使后稷放帝子朱於丹水

六十一年命崇伯鯀治河

六十九年黜崇伯鯀

七十年春正月帝使四岳錫虞舜命

帝在位七十年景星出翼鳳凰在庭朱草生嘉禾

秀。甘露潤。醴泉出。日月如合璧。五星如連珠。厨中
自生肉。其薄如箴。搖動則風生。食物寒而不臭。名
曰箴脯。又有草莢。階而生。月朔始生一莢。月半而
生十五莢。十六日以後。日落一莢。及晦而盡。月小
則一莢焦而不落。名曰莢莢。一曰曆莢。洪水既平。
歸功於舜。將以天下禪之。乃索齊修壇場於河洛。
擇良日。率舜等升首山。遵河渚。有五老游焉。蓋五
星之精也。相謂曰。河圖將來告帝。以期知我者重。

吳郡基曰
春秋運斗
樞云舜為
天子東巡
觀黃龍五
采負圖出
置舜前以
黃玉為押
黃金繩封
兩端章曰
黃帝符璽
也○又曰

瞳黃姚五老因飛為流星上入昴二月辛丑昧明
禮備至於日晏榮光出河休氣四塞白雲起回風
搖乃有龍馬銜甲赤文綠色綠壇而上吐甲圖而
去甲似龜背廣九尺其圖以白玉為檢赤上為金
泥似黃金約以青繩檢文曰闡色授帝舜言虞夏
當授天命帝乃寫其言藏於東序後二年二月仲
辛率羣臣沈璧於洛禮畢退俟至於下晏赤光起
玄龜負書而出背甲赤文成字止壇其書言當禪

赤龍負圖

以出河見

堯典太尉

等百二十

年集發藏

夫麓

舜遂讓舜

七十一年帝命二女嬪於舜

七十三年春正月舜受終於文祖

七十四年虞舜初巡狩四岳

七十五年司空禹治河

七十六年司空伐曹魏之戎克之

八十六年司空入觀鰲用玄圭

八十七年初建十有二州

八十九年作游宮於陶

九十年帝游居於陶

九十七年司空巡十有二州

一百年帝陟於陶

帝子丹朱避舜於房陵舜讓不克朱遂封於房爲
虞賓三年舜即天子之位

帝舜有虞氏

母曰握登見大虹意感而生舜於姚墟目重瞳子

故名重華。龍顏大口，黑色身長六尺一寸。舜父母
憎舜，使其塗廩，自下焚之。舜服鳥工衣服，飛去。又
使浚井，自上填之以石。舜服龍工衣，自傍而出，耕
於歷夢，眉長與髮遂登庸。

元年己未，帝即位，居冀。作大韶之樂。

即帝位，蓂莢生於階，鳳凰巢於庭，擊石拊石，以歌
九韶，百獸率舞，景星出於房，地出乘黃之馬。

三年，命咎陶作刑。

九年西王母來朝

西王母之來朝獻白環玉玦

十四年卿雲見命禹代虞事

在位十有四年奏鍾石笙管未罷而天大雷雨疾風登屋拔木桴鼓播地鍾石亂行舜人頓伏樂正狂走舜乃磬堵持衡而笑曰明哉天下非一人之天下也亦乃見於鍾石笙管乎乃薦禹於天使行天子事也於時和氣普應慶雲興焉若烟非烟若

雲。非。雲。郁。紛。蕭。索。輪。囷。百。工。相。和。而。歌。卿。雲。
帝。乃。昌。之。曰。慶。雲。爛。兮。禮。綬。兮。日。月。光。華。旦。復。
旦。兮。羣。臣。咸。進。頓。首。曰。明。上。天。爛。然。星。陳。日。月。
光。華。弘。於。一。人。帝。乃。再。歌。曰。日。月。有。常。星。辰。有。行。
四。時。從。經。萬。姓。允。誠。於。予。論。樂。配。天。之。靈。遷。於。聖。
賢。莫。不。咸。聽。饗。乎。鼓。之。軒。乎。舞。之。精。華。以。竭。褰。裳。
去。之。於。是。八。風。循。通。慶。雲。叢。聚。蟠。龍。奮。迅。於。其。歲。
蛟。魚。踊。躍。於。其。淵。龜。鼈。咸。出。其。穴。遷。虞。而。事。夏。舜。

乃設壇於河。依堯故事。至於下舂。榮光休至。黃龍
負圖。長三十二尺。廣九尺。出於壇畔。赤文綠錯。其
文言當禪禹。

十五年。帝命夏后。有事於太室。

十七年春二月。入學。初用萬。

二十五年。息慎氏來朝貢弓矢。

二十九年。帝命子義鈞封於商。

三十年。葬后育於渭。

按史書災
異虞后已
然至春秋
特頻見耳

三十二年帝命夏后總師遂陟方岳

三十三年春正月夏后受命於神宗遂復九州

三十五年帝命夏后征有苗有苗氏來朝

四十二年玄都氏來朝貢寶玉

四十七年冬隕霜不殺草木

四十九年帝居於鳴條

五十年帝陟

義鈞封於商是謂商均后育娥皇也鳴條有蒼梧

之山。帝崩遂塋焉。今海州。

帝禹夏后氏

母曰修己。出行見流星貫昴。夢接意感。既而吞神珠。修己背剖而生禹於石紐。虎鼻大口。兩耳參鏤。首戴鈎鈴。胸有玉斗。足文履已。故名文命。長有聖德。長九尺九寸。夢自洗於河。取水飲之。又有白狐九尾之瑞。當堯之世。舜舉之。禹觀於河。有長人白面魚身出。曰。吾河精也。呼禹曰。文命。治水。言訖授

禹河圖言治水之事乃退入於淵禹治水既畢天
錫玄珪以告成功夏道將興草木暢茂青龍止於
郊祝融之神降於崇山乃受舜禪即天子之位洛
出龜書是為洪範三年喪畢都於陽城

元年壬子帝即位居冀頒夏時於邦國

二年咎陶薨

五年巡狩會諸侯於塗山

南巡狩濟江中流有二黃龍負舟三人皆懼禹笑

曰。吾受命於天。屈力以養人。生性也。死命也。奚憂
龍哉。龍於是曳尾而逝。

八年春。會諸侯於會稽。殺防风氏。夏六月。雨金於

夏邑。秋八月。帝陟於會稽。禹立四十五年。

禹薦益於天。七年。禹崩。三年喪畢。天下歸啓。

帝啓

元年癸亥。帝即位於夏邑。大饗諸侯於鈞臺。諸侯從
帝歸於冀都。大饗諸侯於璿臺。

二年費侯伯益出就國王帥師伐有扈大戰於甘

有扈在始平鄠縣

六年伯益薨祠之

八年帝使孟涂如巴涖訟

十年帝巡狩舜九韶於大穆之野

十一年放王子武觀於西河

武觀即五觀也

十五年武觀以西河叛彭伯壽帥師征西河武觀來歸

十六年陟

帝太康

元年癸未帝即位居斟鄩。改於洛表。昇入居斟鄩。

四年陟

帝仲康

元年己丑帝即位居斟鄩。

五年秋九月庚戌朔日有食之。命胤侯帥師征義和。

六年錫昆吾命作伯。

七年陟

世子相出居商丘依郕侯

一作依同姓諸侯斟灌斟鄩

帝相

元年戊戌帝即位居商

征淮夷

二年征風及黃夷

七年于夷來賓

八年寒浞殺羿使其子澆居過

九年相居於斟鄩

十五年商侯相士作乘馬遂遷於商丘

二十年寒浞滅戈。

二十六年寒浞使其子澆帥師滅斟灌。

二十七年澆伐斟鄩大戰於維覆其舟滅之。

二十八年寒浞使其子澆弑帝后緡歸於有仍伯靡
出奔高。

斟灌之墟是爲帝丘后緡方娠逃出自竇歸於有
仍伯靡奔有禹氏。

夏世子少康生。丙寅年

少康自有仍奔虞

乙酉年

伯靡自鬲帥斟鄩灌之師以伐浞世子少康使汝

文伐過殺澆

甲辰年

伯子杼帥師滅戈

伯靡殺寒浞少康自綸歸於夏邑

乙巳年

明年后緡生少康既長為仍牧正基澆能戒之澆

使椒求之將至仍少康逃奔有虞為之庖正以除

其害虞思於是妻之以二姚而邑諸綸有田一成

有衆一旅能布其德而兆其謀以收夏衆撫其官

職。夏之遺臣伯靡自有鬲氏收二斟之燼以伐浞。
浞恃澆皆康娛日忘其惡而不爲備。少康使汝艾
謀澆。初浞娶純狐氏有子早死其婦曰女岐寡居。
澆強圍往至其戶陽有所求女岐爲之縫裳共舍
而宿。汝艾夜使人襲斷其首乃女岐也。澆既多力
又善害艾乃畋獵放犬逐獸因族澆顛隕乃斬澆
以歸於少康。於是夏衆滅浞奉少康歸於夏邑諸
侯始聞之立爲天子祀夏配天不失舊物。

帝少康

元年丙午帝即位諸侯來朝賓虞公

二年方夷來賓

三年復田稷

后稷之後不密失官至是而復

十一年使商侯冥治河

十八年遷於原

二十一年陟

帝杼

元年己巳帝即位居原

五年自原遷於老丘

八年征於東海及三壽得一狐九尾

十三年商侯冥死於河

十七年陟

杼或作帝宁一曰伯杼能帥禹者也故夏后氏

報焉

帝芬

元年戊子帝即位

三年九夷來御

十六年洛伯用與河伯馮夷鬪

三十三年封昆吾氏子於有蘓

三十六年作囿土

四十四年陟

芬或曰芬發

帝芒

元年壬申帝即位以玄珪賓於河

十三年東狩於海獲大魚

三十三年商侯遷於殷

五十八年陟

芒或曰帝荒

帝泄

帝元年辛未帝即位

十二年殷侯子亥賓於有易。有易殺而放之。

十六年殷侯微以河伯之師伐有易。殺其君綿臣。

殷侯子亥賓於有易而淫焉。有易之君綿臣殺而放之。故殷上甲微假師於河伯以伐有易。滅之。遂殺其君綿臣。中葉哀而上甲微復興。故殷人報焉。

二十一年命畎夷白夷玄夷風夷黃夷

二十五年陟

帝不降

元年己亥帝即位

六年伐九苑

三十五年殷滅皮氏

五十九年遜位於弟局

帝局

元年戊戌帝即位

十年帝不降陟

三代之世內禪惟不降實有聖德

十八年陟

帝廕

一名胤甲

元年己未帝即位居西河

四年作西音

昆吾氏遷於許

已姓名樊封于衛夏
哀為伯遷于舊許

八年天有祲孽十日並出其年陟

帝孔甲

元年乙巳帝即位居西河

廢豕韋氏使劉累豢龍

三年王畋於蒗山

五年作東音

七年劉累遷於魯陽

王好事鬼神肆行淫亂諸侯化之夏政始衰田於
東陽蒗山天大風晦盲孔甲迷惑入於民室主人
方乳或曰后来見良日也之子必大吉或又曰不
勝也之子必有殃孔甲聞之曰以爲余一人子夫
誰殃之乃取其子以歸既長爲斧所戕乃作破斧

之歌。是爲東音。劉累所畜龍一雌死。潛醢以食。夏
后夏后饗之。既而使求之。懼而遷於魯陽。其後爲
范氏。

九年陟

殷侯復歸於商丘

吳一作畢

帝吳

元年庚辰帝即位

使豕韋氏復國

三年陟

帝發

史記通鑑

竹書

史記

一名后敦。或曰發惠。

元年乙酉。帝即位。諸夷賓於王門。再保墉。會於上

池。諸夷入舞。

七年。陟泰山。震。

帝癸。

一名集。

元年壬辰。帝即位。居斟鄩。

三年。築傾宮。毀容臺。畎夷入於岐。以叛。

按傾宮高
峻之勢有

若傾然故
號傾也

六年岐踵戎來賓

十年五星錯行夜中星隕如雨
地震 伊洛竭

十一年會諸侯於仍有緡氏逃歸遂滅有緡

十三年遷於河南
初作輦

十四年扁帥師伐岷山
一作山民

癸命扁伐山民山民女於桀二人曰琬曰琰后愛
二人女無子焉斷其名於苕華之玉苕是琬華是
琰而棄其元妃於洛曰妹喜於傾宮飾瑤臺居之

十五年商侯履遷於亳

成湯元年

十七年商使伊尹來朝

二十年伊尹歸於商及汝鳩汝方會於北門

二十一年商帥征有洛克之遂征荊之降

二十二年商侯履來朝命囚履於夏臺

二十三年釋商侯履諸侯遂賓於商

二十六年商滅溫

二十八年昆吾氏伐商三會諸侯於景亳遂征常商

師取常遂征顧太史令終古出奔商

二十九年商師取顧三日並出費伯昌出奔商

冬十月鑿山穿陵以通於河

三十年瞿山崩殺其大夫闕龍逢商師征昆吾

冬聆隧災

三十一年商自師征夏邑克昆吾大雷雨戰於鳴條

夏師敗績桀出奔三朶商師征三朶戰於剌獲桀於

焦門放之於南巢

自禹至桀十七世。有王與無王。用歲四百七十一

年。

起壬子
終壬戌

殷商成湯

名履

湯有七名。而九征放桀於南巢。而還諸侯。八譯而
來者。千八百國。奇肱氏以車至。乃同尊天。乙履爲
天子。三讓。遂即天子之位。初高辛氏之世。妃曰簡
狄。以春分玄鳥至之日。從帝祀郊禘。與其妹浴於

玄丘之水有玄鳥銜卵而墜之五色甚好二人競
取覆以二筐簡狄先得而吞之遂孕胸剖而生契
長爲堯司徒成功於民受封於商後十三世生主
癸主癸之妃曰扶都見白氣貫月意感以乙日生
湯號天乙豐下銳上皙而有顴白身而揚聲長九
尺臂有四肘是爲成湯在亳能修其德伊摯將
應湯命夢乘船過日月之傍湯乃東至於洛觀帝
堯之壇沈璧退立黃魚雙踴黑鳥隨之止於于壇

化為黑玉。又有黑龜，並赤文成字，言夏桀無道。湯當代之，禱祝之神見於邳山，有神牽白狼銜鉤而入商朝。金德將盛，銀自山溢。湯將奉天命，放桀。夢及天而詆之，遂有天下。商人後改天下之號曰殷。

十八年癸亥王即位，居亳。始屋夏社。

十九年大旱，氏羌來賓。

二十年大旱，夏桀卒於亭山，禁弦歌舞。

二十一年大旱，鑄金幣。

二十二年大旱

二十三年大旱

二十四年大旱王禱於桑林雨

一十五年作大濩樂初巡狩定獻令

二十七年遷九鼎於商邑

二十九年陟

外丙

名勝

元年乙亥即位居亳命卿士伊尹。

二年陟

仲壬

名庸

元年丁丑王即位居亳命卿士伊尹。

四年陟

太甲

名至

楊慎曰此
豈理之所
有

元年辛巳王即位居亳命卿士伊尹伊尹放太甲於
桐乃自立

約按伊尹自立蓋誤以攝政為真爾

七年王潛出自桐殺伊尹天大霧三日乃立其子伊
陟伊奮命復其父之田宅而中分之

約按此文與前後不類蓋後世所益

十年大饗於太廟
初祀方明

十二年陟

沃丁

名絢

元年癸巳王即位居亳命卿士咎單

八年祠保衡

十九年陟

小庚

約按史記
作太庚

名辨

元年壬子王即位居亳

五年陟

小甲

名高

元年丁巳王即位居亳

十七年陟

雍己

名佑

元年甲戌王即位居亳

十二年陟

太戊

名密

元年丙戌王即位居亳命卿士伊陟臣扈

七年有桑穀生於朝

十一年命巫咸禱於山川

二十六年西戎來賓王使王孟聘西戎

三十一年命費侯中衍爲車正

三十五年作寅車。

四十六年大有年。

五十八年城蒲姑。

六十一年東九夷來賓。

七十五年陟。

大戊遇祥桑。側身修行三年之後。遠方慕明德。重

譯而至者七十六國。商道復興。廟爲中宗。

竹書作
太宗

仲丁

名莊

元年辛丑王即位自亳遷于囂於河上

六年征藍夷

九年陟

外壬

名癸

元年庚戌王即位居囂邳人姚人叛

十年陟

河亶甲

名整

元年庚申王即位自囂遷於相

三年彭伯克邳

四年征藍夷

五年佻人入於班方彭伯常伯伐班方佻人來賓

九年陟

祖乙

名滕

元年己巳王即位自相遷於耿命彭伯韋伯
二年圮於耿自耿遷於庇

三年命卿士巫賢

八年城庇

十五年命邠侯高圉

十九年陟

祖乙之世商道復興廟爲中宗

史記與無逸皆無之

祖辛

名旦

元年戊子王即位居庇

十四年陟

開甲

史記作
沃甲

名踰

元年壬寅王即位居庇

五年陟

祖丁

名新

元年丁未王即位居庇

九年陟

南庚

名史

元年丙辰王即位居庇

三年遷於奄

六年陟

陽甲一名和甲

名和

元年壬戌王即位居奄

三年西征丹山戎

四年陟

盤庚

名旬

元年丙寅王即位居奄

七年應侯來朝

十四年自奄遷於北蒙曰殷

十五年營殷邑

十九年命邠侯亞圉

二十八年陟

小辛

名頌

元年甲午王即位居殷

三年陟

小乙

名斂

元年丁酉王即位居殷

六年命世子武丁居於河學於甘盤

十年陟

武丁

名昭

元年丁未王即位居殷命卿士甘盤

三年夢求傅說得之

六年命卿士傅說視學養老

十二年報祀上甲微

二十五年王子孝已卒於野

二十九年彤祭太廟有雉來

三十二年伐鬼方次於荊

三十四年王師克鬼方氏羗采賓。

四十三年王師滅大彭。

五十年征豕鬲克之。

五十九年陟。

王殷之大仁也。力行王道。不敢荒寧。嘉靖殷邦。至於大小。無時或怨。是時輿地東不過江黃。西不過氏羗。南不過荆蠻。北不過朔方。而頌聲作。禮廢而復起。廟號高宗。

祖庚

名曜

元年丙午即位居殷作高宗之訓

十一年陟

祖甲國語作帝甲

名載

元年丁巳王即位居殷

十二年征西戎冬王返自西戎

祖甲西征得一丹山

十三年西戎來賓命邠侯組紂

二十四年重作湯刑

二十七年命王子囂王子良

二十三年陽

王舊在野及即位知小人之依能保惠庶民不侮

鰥寡迨其未也繁刑以攜遠殷道復衰

國語曰玄王勒商十

有四世帝甲亂

之七世而隕

馮辛

史記作廩辛

史記卷一百一十五
名先

元年庚寅王即位居殷

四年陟

庚丁

名囂

元年甲午王即位居殷

八年陟

武乙

名瞿

元年壬寅王即位居殷遷於岐周

三年自殷遷於河北命周公亶父賜以岐邑

十五年自河北遷於沫

二十一年周公亶父薨

二十四年周師伐程戰於畢克之

三十年周師伐義渠乃獲其君以歸

三十四年周公季歷來朝王賜地三十里玉十鼓馬

十匹。

三十五年周公季歷伐西落鬼戎王畋於河渭大

雷震死

文丁

史記作
大丁非

名托

元年丁丑王即位居殷

自洙歸
殷邑

二年周公季歷伐燕京之戎敗績

三年洹水一日三絕

四年周公季歷伐余無之戎克之命為牧師

五年周作程邑

七年周公季歷伐始呼之戎克之

十一年周公季歷伐翳徒之戎獲其三大夫來獻捷

王殺季歷

王嘉季歷之功錫之圭瓚秬鬯九命為伯既而執

諸塞庫季歷困而免因謂文丁殺季歷

執王季於塞庫羈文

王於玉門鬱尼之情辭以作歌其傳久矣

十二年

周起公元年

有鳳集於岐山

十三年

帝乙

名羨

元年庚寅王即位居殷

三年王命南仲西拒昆夷城朔方
夏六月周地震

九年

帝辛





